

輿地志

氣候附風

颶

潮

康郡瀕海地卑土薄故陽燥之氣常泄陰溼之氣常伸陽泄故四時皆花三冬不雪一歲間暑熱過半臘月久晴或至搖扇人氣多上壅汗出瘰癧不密夏時多飲涼劑至秋冬必發瘧陰盛故晨夕昏霧春夏霖雨即復凄寒衣服器用皆生白膜八中溼氣間發流毒口手足發冷身重不痛人時走谷胎毒不化惟於男女石手足深穴以灸之即消然飲酒復作酒能行氣也陰陽之氣偏而搏一日之內氣候屢更晝則多燥夜則多寒

康在宋徙今治而山川平衍氣稍舒洩瘴癘頗輕土著人習而安焉尚不自覺鮮有恙者中州人至此或以道里險遠觸熱感寒飲食不節衣服不調而霍亂疴嘔吐瀉之疾一歇即發商旅氓隸日夜遠征傷於饑飽或腹痛欲絕俗謂之急沙症以炒鹽沃清水飲之大吐乃愈

半日饑餓漸興飲食切米飲飲死矣謂青草三茅九諸瘴觸之必病要亦不善攝生者自耳諺曰急脫急着勝似服藥宜葆真陽節飲寡慾

遠遊衛生者當三復斯言志

康郡山巖蔚蒼蒸氣成瘴如坐甑中頃間寒扇并用晴雨疊更春為青草瘴夏為苦梅瘴夏秋之間為新水瘴中秋為黃茅瘴霜降後始無恙炎方陰閉陽洩故治病者不輕發表麻黃金沸青龍虎湯不可妄用只宜溫中正氣亦或投以薑附沈在中七棗湯用烏頭七移七泡亦此意平時調攝平胃散正氣散節食寡慾戒多上情夢餘錄

康郡山谷深遠之氣香花瘴為甚當木樨開時山嵐氣隨之而發行者聞有異香如桂菊氤氳愛其香而以鼻呼吸之則其毒灌入心脾不可藥矣惟府治其地平行城近大海風潮蕩滌偏珍之氣易散故諸瘴尚少見聞錄

凡十月朔有霧則明歲正月雨初二有霧則明歲二月雨一日應一月是日無霧則明歲是月無雨立春宜微寒諺曰春寒春暖春寒蓋南中以春寒為祥其望春暖所以望春暖也春立春日也一春之寒暖以立春日卜之立春又宜晴諺曰春晴一



春晴春陰一春陰 元日宜微雨宜北風宜西北東北風不宜南風東風不微雨而北風則寒寒亦為春暖之兆也 又春日柳水水重則雨多輕則雨少日直其月至十二日而止以測十二月之水旱寒故水重水重者雨多而年豐之兆也

塵地卑溼生白蟻入衣箱書笥嚙之立碎木生蛀蟲類蝨蟻惟嘴黑而硬如鐵椽枋中終夜兀兀有聲外雖完好而喙蝕已中空矣凡案書樹飛屑如霞偶不掃除則堆積已白惟鐵梨杉檉黃椎諸木不啗蟲老則生翅善飛其名曰尉（虫旁）俱周志

正月八日為穀日晴為祥雨為災 三月十六日為黃姑浸種日西南風主大雨 四月八日雨多則荔子蛀而落 四月二十

日俗曰小分龍 五月二十日俗曰大分龍皆宜雨不雨則歲歉 二月有三卯占有年通書占歲 嶺南錄云梅雨後涼風一名

舶掉風舶掉者白撞之轉音也粵當四二月間晴天片雲雨頃刻至者曰白撞諺云早禾望白撞翻葉望倫淋倫淋者夜雨也

霜降日有風則穎不實諺曰禾忌霜降風 寒露日不宜雨諺曰不忌霜降風只怕寒露雨 冬有紅霞北風即起謂之攪霜風

諺曰朝三晚七日午風曰不半日子夜翻風日又日 俱通志

廉郡舊稱瘴癘地以深谷密林人煙稀疎陰陽之氣不舒加之蛇虺毒蟲怪鳥異獸遺穢林谷一經淫雨流溢溪澗山嵐暴氣又復乘之遂生諸瘴中具瘴者多鼓脹以斃今則林疎澗豁天光下臨人煙稠密幽林日開合浦久無瘴患矣

附吳江鈕秀叢話一則

宋景祐初龍圖梅公摯以殿中丞出知韶州著有瘴說鐫之崖石曰仕有五瘴急徵暴斂剝下奉上此租賦之瘴也深文以逞

良惡不白七刑獄之瘴也昏晨醉飽弛廢王事此飲食之瘴也侵牟民利以實私儲此貨財之瘴也姣童豔姬以娛聲色此帷

薄之瘴也有一於此民怨神怒安者必病病者必殞雖在穀下亦不可免何況遠方人或不自知乃歸咎於土瘴不亦謬乎夫

梅公所指五瘴切中仕者膏肓苟其知而反之非止却疾亦可延生真瘴之良方也余仕粵歲餘五者幸無一犯身泰心閒

其亦有鑒於茲然是說也中土之人既遠不獲聞而仕瘴鄉者又或非所樂聞誰復捫石剝苔以傳於世已卯秋潘太史稼堂



從西粵來以榻本見示因亟錄之以公諸仕瘴土者

右採錄府志

今考合浦地處亞熱帶燠多寒少僅北部高地隆冬偶降薄霜一月中著熱過半五六月間常達至華氏九十五度半合攝氏三十五度三最寒降至華氏三十五度合攝氏四度然歲僅數日雨量以四五月爲最多往往滂沱大雨兼旬不止故有四月八田塍塌之謠春夏之間陰雨連綿或大霧竟日空氣飽和檯椅牆垣凝成水滴箱篋偶不檢衣服生霉易腐十一十二兩月爲雨最少期氣候頗乾燥願一日中氣候迭更朝涼午熱夜寒雖盛暑偶雨一二日溫度驟降輒須御夾衣夜間或至擁被卧焉

附風

南粵之風當寒時天明無雨從西北暴至爲類爲颶其名曰棠風亦曰利當暑時天昏有雨從東北暴至其氣純青是曰青東青東之起氣甚寒亦曰青凍天昏無雨從西北暴至如雨雹聲又如亂石搏擊是曰石尤其氣赤亦曰赤游赤火氣也游謂火之游氣也天色淡然微有日光無雨而作如龍氣往來不常是曰狂龍餘則夏秋之交多颶冬則多攪霜以紅霞暮起爲兆或臘月而大南驟作曰送年南大北驟作曰暴北又曰鹹頭曰泥浪此皆風之變者也平常則多南風然南風暖利於物而不利於人蓋嶺南陰少陽多故四時之氣聞多於閩一歲間溫暑過半以日仁南故風南來者恆暖噓喻太陽之氣與火俱舒又多起於赤天之暑門故恆暖暖風所至故人疎理元府常開毛腠不固每因汗溢而致外邪蓋汗爲病之媒風爲汗之本二者一中寒瘧相乘其疾往往爲風淫大抵嶺南春夏多南風秋冬多北風反是則雨故凡疾病多起於風故觀卦風行地上而君子必以觀我生觀其生爲務蓋風主蟲人爲果一人旁蟲之長以風生亦以風死風之不正莫甚於廣南故多瘋疾瘋字從風可以知其患之所自矣內經云卑下之地春氣長存故東南之民感風症多明孝陵勅使臣云炎方多熱少寒其氣柔弱最易冒風非仁人君子不得而壽誠聖言哉



諺曰南風尾北風頭蓋地勢北高而南下南風從下而起故爲尾又南風愈吹愈大其大在尾北風初起即大其大在頭故也粵處南方當歲寒時每三二日南風則有霧北方不然三二日南風則有雪凡霧從地起南風之尾爲之是曰南風霧其散必以北風以暖而起以寒而止也雪自天來北風之頭爲之是曰北風雪其晴必以南風以爲而起以暖而止也  
海南三四月時晝有南風夜則無之至五月乃有過夜南諺曰半北半南三二月南風過夜必端陽 已上周志

## 附颶風

投荒雜錄云南方諸郡有颶風廉地薄海夏秋間颶風或一歲累發或間歲一發初起由東轉北而西而南或起於西轉北而東而南皆對時而後息將起之時海鳥奔飛木葉向南作翻轉狀或海吼聲大震雲脚有暈如虹俗呼爲風蓬嶺表錄謂之颶母踰時大作挾暴雨俱來撼聲如雷拔木飛瓦人不能行立颶風之起也自東北者必自北而西自西北者必自北而東俱至南方乃息謂之落西亦曰蕩西又曰迴南凡二晝夜乃息亦曰風癡若不落西不迴南則踰月復作必對時日作次日止夜作次夜止諺曰朝北暮南子夜東又曰朝三暮七晝不過一蓋其暴者不久或數時或一日夜乃息其柔者久或二三夜方息有一歲再三作者有三四歲不作者

凡歲有一鬼打節者則有一颶有二鬼打節者則有二颶鬼鬼宿也打節者或立春立夏等節值鬼宿也然考乾隆壬申先年正月二十日立春爲鬼宿是年竟無颶風或鬼打節之說有驗有不驗歟臺灣有風草一節則颶一次多節則颶多次無節則一年無颶廉州亦有風草節如指指痕土人占之屢驗周志又新正鵲巢樹杪是年無颶巢樹下則有颶占之亦驗新增

凡六月有北風必作颶颶者具四方之風也颶以東北方而始必以北以西而中以西北方而始必以北以東而中皆以南而終蓋南方之風以南爲正始於不正終於正故颶必迴南乃止歸於其本方也南人以颶爲懼當懼之時不望颶風之止惟望迅雷之作雷作而颶止矣然雷亦必以颶迴南而後作颶不終則雷不作也二者必相代而不相奪以爲天地之用者也



颶莫甚於瓊雷廉次之先期數日有聲微作而旋止急而旋緩謂之練風於是炎雲鬱結雷聲殷殷有虹欲斷欲連下飲海水海翻聲吼怒波浪沸騰礮石轉觸有濁氣凝結成破布或若爛苔遍流而北水鳥驚飛木葉南側於是颶風作矣益之以暴雨以驚潮則其勢彌烈粵在南方故其風起於南者為順起於北者為逆順者為正風天地之仁氣也逆者為颶風始於北而終於南從不仁以歸於仁也仁陽也不仁陰也颶起多以仲夏以午仲夏與午陰長陽消之始也颶得陰氣之先初起時有雷則不成颶未純乎陰也颶作數日有雷則止者陰氣為陽所奪也起於朝者三日起於暮者七日暮則陰氣益盛故颶發之久也然七日而無雷則颶亦止七者數之盡陰與陽皆七日而復也又颶之暴者不久柔者久柔者陰之極也

凡颶必夾雨俗曰有雷不成颶蓋巽陰也震陽也陽長則陰消固有此理然亦有雷而颶者其颶大且長謂之鐵颶又颶必乘潮每朔望之二三日為潮長之期颶之作多應之以無方之風夾狂暴之雨助以澎湃之潮濱海田廬欲不受其害難矣

雷州志

山亦有與颶相應博域練有那霧塘以那霧山得名山高數百丈周遭互數十里常與雲霧廉飲往來必經每作颶其山先旬日殷殷鳴夜靜聲愈遠鳴大則颶大鳴小則颶小鳴或多日少日颶之久暫應之山鳴則海必吼易曰山淫穢氣信然附山居民言之鑿鑿

## 附海潮

方輿勝覽云江浙之潮自有定候廉欽之潮則朔望大潮謂之老水日止一潮謂之子水按他郡之潮每月三十日有二自消至長皆十五日故月同而潮不改惟廉潮一月長至十四日而消十五日長至二十八日而消其間消長各十四日也二月則退在前正月二十九日至十一日而消十三日長至二十六日而消每月皆退二日此其所以異也若瓊州潮之大小隨長短異不悉

月之盈虧半月東流半月西流與江浙之潮異見廣輿記一云朝至曰潮夕至曰汐

風之起潮軌乘之諺曰潮長風起潮平風止風與潮生潮與風死凡朔望越二三日潮初起風必大上下弦越二三日潮漸退風



必小蓋風者水之母水生於風者謂之陰水潮是也雷者水之父水生於雷者謂之陽水雨是也雨起於山潮起於海海為陰故潮亦陰潮以陰故鹹風乘鹹潮而起謂之鹹頭

凡海中以子時末陰陽合而潮生為陽水午時末陽與陰合而汐生為陰水水乘氣而生風亦因之氣為水之本風為水之末氣自北來而水長風自南來而水消長者自北而南為南海之潮消者自南而北為北海之汐

慶欽之潮無聲謂為暗潮潮來海口微有震撼聲不同錢塘潮波濤澎湃也又新潮名子水舊潮名老水俗謂新潮初長至四日曰成身名一眼子蓋新潮初起其力尚微僅能撐住老水使不得退不能使之逆流也必潮長至四日後新潮力漸旺謂之成身成身則能倒流而上矣以其初倒流謂為一眼子眼猶格也譬物之有格眼也如正月初七日起子水謂之一眼初八日謂之二眼初九初十口謂之三眼四眼數日內老水退去子水潮來新舊並流每日分早晚二潮謂之子老水然新潮日旺則舊潮日減減至五眼則止有子水而無老水每日止有一潮名曰獨流又名大森水自初七至十四日新舊並流名曰平流平流則八眼子矣潮至八眼盛極必衰猶日盈必虧日中必昃自十四日以後每日遞消至十八日新潮復生每日漸長至二十一日又謂成身又謂之一眼遞至八眼子而盈其獨流平流如前漸消數日則為二十八日矣每月兩流週而復始期無差誤惟三九兩月月中獨三流其消長差二三日不等一歲中以五月十月潮至大名曰大流水

潮起子水期

正月七月初七二十一日

二月初五十九日

三月初一十五二十九

四月十月十三二十七

五月十一月十一二十五

六月初九二十三

閏月如前月



今考空氣受熱而漲遇冷則縮因漲縮而流動爲風貿易 一曰商風 季候風 一曰信風 交代之際欲易其方向必鼓盪而成颶多發生於濱海區域地面受月球吸力在海上起定時之變化是爲潮汐月球距地近掩過日球吸力獨顯殊能言潮者遂專以月球爲推測潮之消長一日兩度所以有朝朝夕汐之別朔望日月兩吸力相合潮最大上下弦日月兩吸力互消潮最小消長皆以半月惟廉海之潮期每月退二日六閱月乃週而復始不以朔望上下弦爲準也



輿地志

戶口

合浦原額男婦一萬五千八百一十二丁口內壯丁有員役人丁及婦女皆免賦婦女每口止派鹽鈔銀二分一釐一毫七絲八忽遇閏加銀一釐九毫七絲清康熙五十年編審新增九千二百零八丁口五十二年聖祖恩詔各省人丁以康熙五十年丁冊定為常額續生人丁永不加賦歷屆編審至道光八年共二十六萬五千二百八十五丁口造冊報部

右採錄府志

今考民紀初元輯選舉會調查戶口四年編門牌復調查戶口冊列男女七十七萬八千九百零七丁口自道光八年迄今積九十餘年之孳息比較增五十一萬三千六百二十二丁口

分區表

|     |      |             |
|-----|------|-------------|
| 一區  | 附城   | 一十二萬六千八百一十四 |
| 二區  | 靖海濶州 | 七萬五千七百一十九   |
| 三區  | 三總   | 八萬五千九百一十一   |
| 四區  | 鎮西   | 七萬零四百五十三    |
| 五區  | 珠江   | 八萬三千一百八十七   |
| 六區  | 永安   | 四萬四千二百五十五   |
| 七區  | 大慶   | 二萬八千二百八十    |
| 八區  | 六湖   | 一萬五千六百零二    |
| 九區  | 石洲   | 二萬零七百三十四    |
| 十區  | 聯安   | 四萬九千零四十三    |
| 十一區 | 萬安   | 二萬一千六百八十七   |
| 十二區 | 進誠   | 六萬一千八百六十八   |
| 十三區 | 合立   | 二萬零九百七十八    |
| 十四區 | 福旺   | 二萬零九百三十八    |
| 十五區 | 平睦   | 一萬八千零五十四    |
| 十六區 | 寨墟   | 三萬五千三百八十四   |



合計七十七萬八千九百零七丁口

## 附人種

獠人

獠人自元至元間中國始有此種類童（犬旁）撞也惟喜攻擊撞突曰童（犬旁）廉郡北境與粵西連界處有童（犬旁）人與獠人相似而性特剽悍魁結貫耳童（犬旁）婆富者以銀作圈加頸男着短窄衣裂布束脛出入恆佩刀女衣不掩膝長裙細摺綴繡花兜肚荷長柄傘傘上掛檳榔包常往來山谷間善涉水手攝裙幅視水淺深以次收展男女齒相若互以衣帶贈遺輒相狎暱謂之結同年歲花朝聚而踏歌越阡度陌男女雜沓一唱百和各相調情相悅者遂自爲婚配既另配則向日所結同年不相聞問矣葦茅作屋架板爲樓下頓牛畜謂之牀欄席地而坐搏飯掬水而食盛夏露處冬則圍爐達旦無牀衾款客以肉盛木具或竹箕均人數而分食罷則各攜所餘以去分或不均銜之終身有所要約必以酒肉或屠狗爲食誠得肉一飽酒一醉雖行劫鬪狼殞身命弗顧也劫物無論粗惡雖敝衣破釜亦罄捲而逃官司捕之急竄入深巖密菁中莫知其嚮出金懸賞購之名曰買錢戚屬利得金輒以所匿告往往成擒甚有子賣其父弟賣其兄此其所以爲禽獸也又挾弩矢伏草澤間射人攻剽村落爲民害在昔爲甚今凜遵教令無敢送者然童（犬旁）亦有生童（犬旁）熟童（犬旁）與生黎熟黎相類

狼人

狼人居合浦縣西北大山中男女俱挽髻前銳後廣以白布覆之績麻爲衣經年積垢不一洗滌獵山而食孩童能騎犬引弓射雉逐兔生長粵西沿邊前明成化間應募爲狼兵粵東始有此種類善卜鷄法取生雄鷄折一翼向東去毛肉視鷄骨紋路之明暗卜吉凶明則吉暗則凶以定嚮往往性饕餮毛血腥穢啖之立盡不以爲嫌有熟狼石瓦屋務耕種常出山市貨與民交易無敢作惡者歸德圖有狼田乃明韓襄毅公征大藤峽調赴合浦防禦山隘卽令耕且守故其後裔猶世承其業雖精悍遜於祖風然



果於趨事有足多者舊志

山子

山子無版籍定居散處六浦各州諸大谷間男女黎黑徒跣砍山種畝視地利盡輒徙去善制虎塗毒藥鏃中射虎立斃婦女短裙及膝坐則膝兩齊跪以爲禮夫婦交歡就山僻處插育於路以斷行人談觸之遂彎弓相向然足不敢涉城市最畏見官長深林中瞰有戴紅纓帽者輒避去招之則疾走如飛莫能追躡舊志

猿人

猿與種種類各別粵東有猿而無 串郡與粵西爲鄰故童(犬旁)多而猿少十萬八山有之猿亦八蠻之一種椎髻跣足衣儂爛布褐俗呼爲斑衣人是也架木爲屋覆以菁茅種黍粟荳芋爲糧或獵山佐食負戴者登峯造極以竹筐著背上繩繫於額斑而趨如平地兒能行燒鐵漸烙其跟蹠使堅硬如木石故踐芒刺不傷始生日稱鐵如其重漬以毒水蟲則燬其銖爲鋼以製刀試刀必斬牛仰刀牛項下以肩負刀一負卽殊者良刀也弩名偏梁以一足蹶張背手發矢往往命中槍長二丈戰則槍手爲先鋒弩手口銜刀而手射人或丁中釋弩取口中刀奮擊無敢當者歲首祭其先雜魚肉酒飯於木槽少長扣槽羣號爲禮十月朔祭都貝大王男女連袂而舞相悅則男跳躍負女而去匿山谷中野合爲夫婦樂有鏡鼓胡蘆笙竹笛之屬眾音競鬧擊竹箏爲節無所得食或踉蹌叢篁間潛出剽掠執送官長則叩頭請死笞而釋之喜若更生還語其類曰不怕中座長官但怕兩旁鷄毛官謂皂隸也生猿在窮谷中不與華通熟猿有與民居相錯者或通婚媾白猿大類熟猿黑猿大類生猿又大良猿有戶口版籍較民淳樸客至其家不問識與不識輒宰鷄炊飯任大嚼無少吝後爲童(犬旁)人殺佔遂逃竄殆盡舊志

猿狼與童(犬旁)皆同類而各別者也川湖二廣之間在在有之深居窮峒蔓衍日繁乘殺疎虞肆其劫掠明景泰成化間猿賊猖獗調狼以剽之已而狼與猿爲唇齒召童(犬旁)以禦之已而猿與童(犬旁)爲心腹緩之則蠶蟻聚迫之則鳥獸散蓋蟻韓襄